

Fandraina anjara @ loa-bary andasy.

Manontany isika hoe "ahoana no andraisana ny fanambarana nataon'ny ntaolo hoe : "ny fanahy noho maha olona" koa ireto misy santonana ohabolana 45 izay mety azo vakiana, fakafakaina, trandrahina ka mety ahitantsika na hitarafantsika izay tian'ny nraolo ambara, ampianarina na hitaizana eo amin'ny fifandraisana amin'ny manodidina azy : na ny zavaboary na ny fiaraha-monina...

Afaka manontany koa isika hoe : Inona no maha zava-dehibe an'io fanadiadiana sy famakafakana io eo amin'ny fampianarana teny malagasy izay anton-pisian'ny VFTM, izay lasa DTM (Departemantan'ny Teny Malagasy nandrity ny Synaoda Lehibe 2020) ato amin'ny FPMA : harena lovantsika amin'ny maha malagasy antsika ireo ohabolana ireo izay mirakitra ireo fahendrena sy soatoavina izay miampita amin'ny alalan'ny teny malagasy.

Mazava ho azy fa faka sy fototra ho antsika ireo ary hatevezina amin'ny soa toavina kristianina miaraka amin' ireo zavatsoa entin'ny fahalalana hita ankehitriny .

Koa mahereza ary mamantatra sy mitsakotsako mifanakalo izay hampitain'ny ntaolo amin'ny alalan'ireo ohabolana ireo.

laharana	izay voalaza
Ohabolana 1	Aleo kely fanahy sitrak' olona, toy izay be fanahy maty foana. [Houlder 1895 #1624]
Ohabolana 2	Aleo ny andriana lozabe toy izay andriana malemy fanahy. [Veyrières 1913 #183]
Ohabolana 3	Aleo ratsy tarehy ka tsara fanahy, toy izay tsara tarehy ka ratsy fanahy. [Houlder 1895 #93]
Ohabolana 4	Ao ny be fanahy maty foana, ao kosa ny kely fanahy sitrak' olona. [Rinara 1974 #331]
Ohabolana 5	Arim-batana fa tsy ary fanahy. [Veyrières 1913 #1610]
Ohabolana 6	Aza mikoba-drano marivo, ka mahavery fanahy ny tsikovoka. [Veyrières 1913 #630, Rinara 1974 #773, Cousins 1871 #624]
Ohabolana 7	Aza misatry fanahy am-pandosirana, fa ny tena ihany no ho trany. [Rinara 1974 #789, Cousins 1871, Veyrières 1913]
Ohabolana 8	Boka nandray tanana, ka ny fanahy misy ihany fa ny tanan-kandray no tsy misy. [Rinara 1974]
Ohabolana 9	Fanahy no olona. [Cousins 1871 #898, Nicol 1935 #320]
Ohabolana 10	Fanompoan' ankotralahy, ka ny marary manao izay ho vitany, ary ny tsara fanahy mamono masoandro. [Veyrières 1913 #371]
Ohabolana 11	Fotsifotsy fanahy toa takatra ka ny tain-kary avy no anaovan-trano. [Rinara 1974 #1200]
Ohabolana 12	Fo tsy voalefitra, mitondra nenina, fanahy tsy voatsindry, mitondra loza. [Veyrières 1913 #6413, Rinara 1974 #1211, Cousins 1871 #980]

Ohabolana	13	Hivalo fanahy tsy haditra aho fa hanaraka ny efanareo. [Rinara 1974 #1351, Cousins 1871 #1079]
Ohabolana	14	Izay mahavangivangy tian-kavana; malemy fanahy tratra am-parany. [Cousins 1871 #1189, Nicol 1935 #66]
Ohabolana	15	Kibontehana mora voky, olo-misy fanahy mora anarina. [Samson 1965 #K18]
Ohabolana	16	Mahantra lahy : fa mahery tsy ambinim-babo : malemy fanahy tsy misy mpankasitraka ; manao soa tsy manana mpilaza. [Cousins 1871 #1408]
Ohabolana	17	Manao fanahin-tsokina : raha mahazo zavatra dia mivonkina. [Veyrières 1913 #2299]
Ohabolana	18	Manehin-drano: arakaraka an-tañana; manehim-pañahy: fañahy zahana. [Houlder 1895]
Ohabolana	19	Miaraka amin' ny ferena, ka ny tsara fanahy no maimbo. [Houlder 1895 #281]
Ohabolana	20	Mitoto vary diabolana, ka maka fanahy ny akoho. [Veyrières 1913 #3712, Rinara 1974 #2483, Cousins 1871 #1890, Rajemisa 1985]
Ohabolana	21	Mpamosavy mitravoka : manary fanahy ny tompon' aina. [Samson 1965 #M135]
Ohabolana	22	Na very fanahy mbola velona aza, tsy hihetsika ve ny tanana! [Rinara 1974]
Ohabolana	23	Ny fanahy no olona. [Veyrières 1913 #1677, Rinara 1974 #191]
Ohabolana	24	Ny harena tsy mahaleo ny tarehy sy ny fanahy. [Veyrières 1913 #1221]
Ohabolana	25	Ny hery tsy mahaleo ny fanahy. [Cousins 1871 #2265, Rajemisa 1985]
Ohabolana	26	Ny manjaka : lozabe, mahatahotra; malemy fanahy, mahamenatra. [Cousins 1871 #2328]
Ohabolana	27	Ny maty aza, raha mbola tsy very ny saina ka tsy mionganana ny fanahy, dia mbola mahalala menatra. [Veyrières 1913 #6461]
Ohabolana	28	Ny ratsy fanahy mandositra, na dia tsy misy mpanenjika aza. [Veyrières 1913 #6431]
Ohabolana	29	Ny tarehy no tsy azo ovana, fa ny toetra mora ovana. [Rinara 1974 #3269]
Ohabolana	30	Ny tarehy ratsy no tsy azo ovana, fa ny fanahy ratsy azo ovana ihany. [Nicol 1935 #455, Cousins 1871]
Ohabolana	31	Ny tarehy tsy mahaleo ny fanahy. [Cousins 1871 #2435, Nicol 1935 #440]
Ohabolana	32	Ny voky tsy mahaleo ny tsaroana. [Veyrières 1913 #4558, Cousins 1871 #2488, Nicol 1935]
Ohabolana	33	Ny zaza fito tsy mahafehy trano: fa ny fanahy fito no mahafehy trano. [Veyrières 1913 #1397, Cousins 1871]
Ohabolana	34	Ny zaza fito tsy mahatam-bady, fa ny fanahy fito no mahatana. [Veyrières 1913 #1398, Cousins 1871 #2533]
Ohabolana	35	Sadika ny fanahy : tompony my hoidininy. [Samson 1965 #S2]
Ohabolana	36	Sobika rindra notampenan-kerana : ny azy fanahy iniany. [Veyrières 1913 #2108]
Ohabolana	37	Tambako mahadala, jia mahafoka ; raha tiana mahavery fanahy. [Samson 1965 #T23]
Ohabolana	38	Traotrao vandana, kibo voananto : izay tiam-bady tsara fanahy. [Samson 1965 #T128]
Ohabolana	39	Tsy afa-bintana angaha iny no nalaim-bintana ihany, ka manoto ray aman-dreny. [Veyrières 1913 #118]
Ohabolana	40	Valalana tapak' elatra : lany fanahy mbola velona. [Samson 1965 #V66]
Ohabolana	41	Valala voatango, ka very fanahy mbola velona. [Houlder 1895 #1025]
Ohabolana	42	Varandrin-drano ny fanahy : tsy ialan' ny mitete. [Samson 1965 #V24]
Ohabolana	43	Very fanahy mangatsia-kevitra, toy ny bevohoka nisaoram-bady. [Rinara 1974 #4938]

Ohabolana 44 Voalavo mandositra andro : mahin' ny fanahy ratsy natao alina. [Rinara 1974 #4971]

Ohabolana 45 Voalavo mihazakazaka alina : tsy ny lalana no mahamaika, fa ny fanahy ratsy atao andro lava no mahamaody.
[Veyrières 1913 #4333, Cousins 1871 #3692]

<http://tenymalagasy.org/bins/proverbIndex>